




Birte Nybakk (14) imponerte

Heaven er ein av dei vakraste songane som er laga og det kom ikkje som noko overrasking at den einaste unge songfuglen frå Uskedalen. som var med i UKM på Husnes i ettermiddag valte den songen. 14-åringen løyste som vanleg oppgåva på ein vakker og kjenslevar måte.



[Preben Dale Heimstad \(20\) imponerte og kjem til fylkesmønstringa.](#)

Men det må leggjast til at ho også denne gongen gjorde det saman med ein annan uskedeling, Ingebjørg Haugland på piano.

Også ein av dei andre av dei nærare 30 som var med i mønstringa hadde valt Heaven.

Det var Ragna Bogsnes Hegge utan at det bør skje nokon form for sangleg samanlikning av dei to, som begge er 14 år.

Programmet dette året var i omfang omtrent som det i fjor og hadde den same variasjon - frå bildande kunst via dans til song og instrumentale prestasjonar.

Apropos prestasjoner kan ein ikkje unngå å bli imponert over kor mange talentar ein finn i denne kommunen og også over kor mange av dei som lagar musikk og songar sjølve. Den arrangerande kulturskulen har gjort ein god jobb også siste år.

Dette er inga tevling, men ei mønstring. Likevel fekk juryen ei krevande oppgåve då dei skulle finna ut kven som bør sendast til fylkesmønstringa i Bergen. Valet falt på 5 deltakarar: Amalie Olderkjær Larsen, Step By Step, Anders Løkeland Slåke, Yngvild Berge og Preben Dale Heimstad.

Tekst og foto: Ola Matti Mathisen